

Sve na jednom mjestu metodologija predstavlja inovativan vid obuke mladih osoba, jer omogućava kompletan i sveobuhvatan set edukacija i stručne savjetodavne i mentorske podrške na jednom mjestu s ciljem sticanja ili unapređenja vještina i znanja neophodnih pri zapošljavanju.

U skladu sa procedurom, sa svakom pojedinačnom odabranom mladom osobom će se potpisati Ugovor o stipendiranju, odnosno ugovorom će se regulisati međusobna prava i obaveze potpisnika.

Nadamo se da će Vas informacije koje slijede o programu obuke dodatno motivirati da podnesete Vašu prijavu.

## Više o kursevima

### 1. Kurs prenosivih vještina

Prema različitim istraživanjima, prenosive vještine su neophodne za radno okruženje, uključujući i poslovanje sa mogućim klijentima (komunikacijske vještine, timski i grupni rad, rješavanje problema, transformacija konflikta i dr.).

Kurs se sastoji od 3 modula, u trajanju od 4 dana. 2 modula će biti realizovana u Tuzli.

Regionalni modul će se održati u Bosni i Hercegovini uz učešće i stipendista/kinja obuke iz Republike Srbije.

### 2. Kurs finansijske pismenosti

Finansijska pismenost podrazumijeva sposobnost razumijevanja i korištenja različitih finansijskih vještina, uključujući finansijski menadžment, budžetiranje i investiranje.

Finansijska pismenost može pomoći mladim osobama da planiraju budućnost, da donose bolje odluke o tome šta da urade sa njihovim novcem, te da investiraju u tržišni kapital na način da ispune njihove potrebe.

Kurs se sastoji od 3 modula, u trajanju od 3 dana, koji će biti realizovani u Tuzli.

### 3. Kurs poduzetništva

Ovaj kurs se sastoji od:

- a) 1 modula na temu „Uvod u poduzetništvo“, u trajanju od 3 dana, a održat će se u Tuzli;
- b) 1 regionalni modul „Poduzetništvo“ u trajanju od 4 dana, održat će se u Srbiji uz učešće i polaznika/ca iz Bosne i Hercegovine.

Moduli će osigurati znanja vezano za: kompetencije u razvoju biznis ideja, o prednostima poduzetništva, o izazovima sa kojima se poduzetnici suočavaju, poduzetništvo i upravljanje znanjem.

#### **4. Mentorstvo za razvoj biznis ideja**

Mentorstvo će biti obezbjeđeno za 10 timova stipendista i stipendistkinja u razvoju 10 biznis ideja i doprinijet će dodatnom sticanju praktičnih vještina. Stipendisti/kinje će raditi u malim grupama/timovima uz podršku mentora.

U periodu od 3 mjeseca, mentori će voditi i podržavati timove u razvoju biznis ideja na bazi ranije provedenog istraživanja.

Stipendisti/kinje će dodatno učestvovati i u 2 studijske posjete uspješnim kompanijama/ firmama s ciljem sticanja praktičnih znanja i razmatranja mogućnosti o prekograničnom uticaju tržišta.

Po jedna studijska posjeta će se realizovati i u Bosni i Hercegovini i u Srbiji, u trajanju po 2 dana i uz učešće svih 50 stipendista/kinja obuke.

#### **5. Javni događaj – Elevator Pitch**

Nakon završetka obuke i razvoja biznis ideja uz mentorsku podršku, stipendisti/kinje će imati priliku da prezentiraju biznis ideje na događaju „Elevator Pitch“ koji će se održati u Sremskoj Mitrovici (Srbija).

Na ovom događaju ćeš imati priliku da prikažeš ono što si naučio/la, kroz prezentaciju svog rada i odgovore na pitanja potencijalnih poslodavaca. Ovo će biti jedinstvena prilika da prikažeš stečene vještine, ali i sebe kao profesionalca/ku koji/a traži posao.

#### **6. Mentorstvo za 3 najbolje biznis ideje**

Za 3 najbolje ocijenjene biznis ideje iz Bosne i Hercegovine, bit će obezbjeđena mentorska podrška u trajanju od 2 mjeseca. Mentor će provoditi periodičan monitoring, odnosno biznis konsultacije zbog održivosti biznis ideja.

Tokom ovog perioda, mentorstvo će se fokusirati na razvojne mogućnosti, obezbjeđenje inicijalnih sredstava i pokretanje biznisa.

## Vremenski okvir

Obuka	2023.				2024.					
	IX	X	XI	XII	I	II	III	IV	V	VI
Prenosive vještine										
Finansijska pismenost										
Poduzetništvo										
Studijske posjete										
Mentorstvo za razvoj biznis ideja										
Elevator Pitch										
Mentorstvo 3 najbolje biznis ideje										

Detaljan plan aktivnosti sa vremenskim okvirom će biti blagovremeno dostavljen odabranim stipendistima i stipendistkinjama,

Dodatne pogodnosti za odabrane stipendiste i stipendistkinje:

- po uspješnom završetku kurseva, dobit ćete certifikate;
- radni i edukativni materijali će biti obezbijeđeni,
- putni troškovi zbog dolaska na obuku će biti refundirani ukoliko dolazite iz udaljenih dijelova Tuzle, te iz Lukavca i Živinica,
- prilikom učešća na regionalnim događajima, imat ćete obezbjeđen smještaj, ishranu i prevoz.

Projekat „Sve na jednom mjestu za podršku omladinskom poduzetništvu i prekograničnoj saradnji“ je program koji Centar za omladinski rad (Srbija) provodi u partnerstvu sa Centrom za edukaciju mladih (Bosna i Hercegovina), Udruženjem mladih - UM Sremska Mitrovica (Srbija) i Fondacijom Tuzlanske Zajednice (Bosna i Hercegovina) u 6 općina prekograničnog regiona Republika Srbija i Bosna i Hercegovina. Projekat je finansiran od strane Evropske Unije kroz program prekogranične saradnje Srbija – Bosna Hercegovina 2014-2020, u okviru Instrumenta pristupne pomoći (IPA II).